



cantòri
in terra di lavoro

Produzione dicembre 2014

Nonna nonna – Cumme e bieglie quiste fiore

Nonna nonna, nonna ninnarella
Glie lupe se magniate la pecurella

Se le magnata e nen se le fenita
Sta figlia peccerella se addermita

Nonna nonna, nonna
Sta figlia mea l'addorme la Maronna

Fatte glie suonne ca Maria mo veie
Porta glie giglie mbracce e te glie raie

Fatte glie suonane ca te glie può faie
Sta figlia mea se sta a repesaie

Nonna nonna, nonna ninnarella
Sta figlia mea deventerà donzella

Nonna nonna, nonna nanna
Sta figlia fa glie suonne che la mamma

Cumme e bieglie quiste fiore nen sia mai ca me se more
Cumme e bieglie cumme e bieglie porta l'ore a glie cappieglie
Porta l'ore a glie senale quiste e figlie de cardinale **(x2)**

Cumme e bieglie quiste figlie ca'glie sole glie'arrassemiglie
Bella la mamma bieglie glie figlie mamma glie porta aglie casinò **(x2)**

Mamma glie te mamma glie vo mamma glie nghiurre aglie chemò
E se cacune glie va trevenne mamma ce dice ca va scappenne **(x2)**

E no e no e no alladdavere glie vuoglie avantà
Alladdavere vuoglie fa verè cumme e care aglie uocchie mie **(x2)**

Sole Sole Sante

Sole Sole Sante
rescalla tutte quante
rescalla chella vecchia
che sta n'cima alla cerca
la cerca è caruta
la vecchia se n'è fiuta
fuie fuie vecchia
ca casta stà raperta
c'è entrata la icerta
s'è tota la cheperta
c'è entrate glie icertone
s'è tuote glie chepertone

Sera e Massera

Sera e massera
Nguntriatte na iatta nera
Iva careca de salsicce
Le pertava a Maste Cicce

Maste Cicce nen ce steva
E ce steva na bella figliola
E ce steva na bella figliola
C'ammassava cace e ova

Me de ne co a me
Le iette a mette agli'arcungiglie
Gli'arcungiglie eva cupe
E sottè ce steva glie lupe

Glie lupe eva vecchie
E n'ze sapeva refà glie liette
Ce glie iette a refà i
E me de tre chenfiette

Glie iasene alla stalla
Senava la cutiarra
Glie sorge pe glie mure
Iva scennenne glie pesciature

Glie vove alla fonte
Che na stella nfronte
La iatta n'cammicia
Se crepava pe la risa

Ballarella pe glie Bambenieglie

Na storia antica de tanta tiempe fa
de quande Auguste fece a tutte registrà
Giuseppe e Maria 'ngima a n'asenieglie
Senza nient'avtre partierne pe Betlemme

Nesciune glie fece 'ntrà glie remanniarne
ne poste a na jrotta se trevurne
Maria teneva na Criatura e ne segrete
Glief'angele Gabriele ce gli'eva rivelate

Rentre a na stalla nascè glie Bambenieglie
Glief rescallava ne vove e n'asenieglie
e tanta pasture che tenevane paura
se 'ngenecciarne nianze alla Criatura

Ne RE senza scettre e senza cherona
senza vestite dentre a 'na magniatura
Miese aglie' ulteme alla povera gente
'Nzegna a chi ne cuntava niente

Vuoi cumme andanne nasce ancora glie Bambine
E nasce pure a ste paese in Valcomine
Glief senature ce rialane la cosa chiù bella
Ce sonane e ce cantane la BALLARELLA!

Milleottocentosessantuno

Chesta e na storia mai raccontata
Me le ditte une che sta terra le fatiata
Ne Generale pe da la terra aglie cafune
Ma sule nuove pe vecchie padrone

Bersagliere e na guerra mai dichiarata
Re e Cunte pe n'unità sule sennata
Glie Piemontese pe darne la libertà
Perché l'Italia s'atera fa

Chesta e la guerra de glie Re Savoia
E tanta cafune sotto aglie boia
E se daglie boia te si salvate
A Fenestrelle te muore schiattate

L'onorevole Pica e misse na legge
Ca sa merì chi e Bregante
E pure ne miereche che ve da Torine
Dice ca tu ce si nate Caine

Chesta terra che te missa aglie munne
Tu la defiendiste e te chiamiarne Bregante
Ma tu si cafone e ne viale cria
Nen e peccate la morte tea

Chesta e na storia mai raccontata
Storie de gente da tutte scurdata
Storie de cafune devendate Bregiante
Storie de breghiente diventate Emigrante